

## Tutu e táxnūu San Júdā

### *Taxnūu Júdā ntiusi*

<sup>1</sup> Xu'u e Júdā ú ne, ña kade tsiñu iña Jesúcristú u, ni ēní Santiaú u. Taxnūu ú tutú sa'a iña un ntíí ntíí ña'a, ña e kána Xuva kō tsi dóo kuínima ñá ña, ña é ñū'u nta'a Jesucristu. <sup>2</sup> Na ntuntā'ví ini Xuva ko ntō. Na tā'xi ña e dóo va'á koo kuntoo nto nī e dóo kuinima ñá nto.

### *Ña ntánañē'é dovette (2 Pedro 2:1-17)*

<sup>3</sup> Ntō'ó ení ko e dóo ntio kó, dōó ntio kó taxnūu u tú'un iña nto nté ō nakáku o nta'a Xuva kō. Ntá tsi sá'a kantio ko é kā'án u ni nto ve, tē koó ntii nto nada'an ntō tú'ūn e kuínti'xe nto, ðivi tsi tú'un é uun ito tsi xé'e Xuva kō é kūtuni ña ntáduku ntée ña. <sup>4</sup> Tsi iō ñá'a e ntáki'vi xu'u ña mi ntánataká nuu ntó, ðivi ñá é nte dí'na uve na'a kaká'an tú'un Xuva ko iña ña tsí da mií é nī'i ña é ntō'o ña. Ntáka'an ña tsí da xé kade ka'nu iní Xuva ko ni ko kuētsí kō ne, kuvi vii o da nēé ka nuu i é kīni kaa. Ntáka'an ntée ña Xuva ko nī Tó'o ko Jesúcristu, ntáka'an ña tsí ña te nuu é ntaā i é Xuva ko ñā.

<sup>5</sup> Ntio ko é na nānu'u ntó iní nto ve, kuān te nte éma tsi ini vá'a nto tsí Xuva kō ne, nákākú ña un ntíí ntíí ña Israeé san dā nantii ña ña ñūú Egitó ne, ntá tsi da rkontúví nantí'í ña ña'a san, ña é ña ni kuínti'xe i. <sup>6</sup> Ō ánjē ði é ña ni de ntáa ña tsiñu ña, tsí xtuvī mii ña mí káduku ntée ña. Nátsu'un kutu Xuva ko ña mi dóo nee un tsi da nté xee ntúvi é xntékú ku've ñá iña ñúxivi sa. <sup>7</sup> Kuan ō kúvi nī ña ntoo ñūú Sodomá, ni ñūú Gomorá, ni tūku ñuu é ntoo etsin íkán ði. Ná te da ðii nuu i é kīni ntaa de ñá ni ñadí'í

san. Dōo dé ña é kini kaa ni tuku ñatíi san di. Un vá'a tsi ntánto'o ña ve mí kai'xi ñú'u ntii dañu ntūvi. Koto nto ña vata koo é ña kuan koo víi nto vatā o dé ña.

<sup>8</sup> Ña kini ntáa san, ña é ntoo ni'i ntō né, kuān ó de ña di, tsí vata tsi tē ñuu éni kān ntoo ña, ntáde ña nī kúñu ñā nuu i é kīni ntáa. Ña ncho kuinti'xe ña Xuva kō ne, ntáka'an kīni ña iña ña ntáde tsiñu e dukún kān. <sup>9</sup> Ntá tsi ánje, ña odo nūú san, ñá nani Mīgeé ne, dā ntánāa nūu ña nī tó'ō e ña vá'ā san kuenta iña kúñu Muīsee dá xi'i ñá ne, ñá ni kene inī ña é kā'an ña tú'ūn é kini kaa ni ñā, tsí da mii tsí é kāka'an ña: “Xuva ko na tā'xi ña o é ntō'o o”, ka'an ña. <sup>10</sup> Ntá tsi ña sā'á ne, dōó kinī ntáka'an ña iña un ntíi ntíi nuu i é ña inī ña. Ntá tsi nuu i é inī kúñu ña, vatā ó inī kiti sán ne, núu i sā'a e ntánakunaa tsí mii ñā kúñu ñā.

<sup>11</sup> Ña ntá'vi de ntu ña kuān ntáa san! Ntáde xení ña ni tā'an ñá vatā o dé Caiín san. Ntáde ña vatā o dé Balaán san, ña é doto tsi íde vata koo é nī'i ñá diu'un. Ntáka'an ntée ña ña odo nūú iña ñá vatā o dé Coreé san ne, kuān koo ni'i ñá doxi'í san di. <sup>12</sup> Dōó kinī o ntáde ña kuān ntáa san da ntánataká nuu nto é kā'xí dadíi nto ni tā'an nto da ntáde nto viko é kuinima tá'an kō. Ña sā'á ne, ña te ntákuka'an nuu ña e dōo kuē'e ntaído ña é kā'xi mii ña ne, ña te ntáde ña kuenta te xee tá'an é kā'xí ta'an ña. Vata ntáa viko nu'u é ña te kakín daví san, e dá kantavá ni tátsín san, ntáa ña. Vata ntáa utun é ña kakíi kiti i ntáa ña. Vata ntáa utun é xi'í kue'en ne, kitú'un dítsin i ntáa ña di. <sup>13</sup> Vata ntáa ntute ñū'u e dōo kaido ntáa ña. Ntaéte xaa ña nuu i é kīni kaa e ntáde ña vatā ó kaeté xaa ntute ñū'u san tiñu i. Vata ntáa xntívi e ntaíka xaa ntáa ña, é kī'in ña é kuntōo ña mí e dōo nee kue'én san ntii dañu ntūvi.

<sup>14</sup> Enoo, i'xá ika Ādaán san é kuvi ū'xe ne,

kaka'an ñá naa Xuva ko dá kaka'an ña iña ñá sa'a kídaa: “Iní u tsi vé'xi Xuva ko, nī ñá te da dīi da dīi mīil ánje ñá. <sup>15</sup> Xntékú ku've ñá iña un ntíí ntíí ña ntántoo ñuxiví sa. Ka'an ña tsí un ntíí ntíí ña é kīni ntáa san ni'i ña é ntō'o ña kuenta iña i é un ntíí é kīni kaa é edé ña, vatā ó ntio nima kīni ntáa ña. Ní'i ñá é ntō'o ña iña tú'ūn é kīni ntáa é ka'an kīni ña iña Xuva kó di”, ka'an ña. <sup>16</sup> Ña sá'á ne, é un ntíí ntátsi'i kuétsi ña. Ntáka'an ntée ña da nēé ka ntí'i nuu i. Da mii tsí é ntio ña é káde kueni kīni káa ña. Ntáka'an ñá tsi dóo ka'nu ña'a ña. Kaka'an va'á ña ni ñá'a san dá kataan nuu ña.

### *Nté koo vii ña ntákuinti'xe i san*

<sup>17</sup> Ntá tsi ñi'nto, tā'an kó e dóo ntio kó, naka'an nto tú'un e ntáka'an pústru Tó'o ko Jesūcristu <sup>18</sup> da ntáka'an ñá ni ntō: “Tē xee ntúvi é doko sa ntí'i ñuxiví sa ne, ki'xi ña ntánarkínteē ñá nuu i é vā'a. Vii ña vatā ó ntio nima kīni ntáa ña”, ka'an ña. <sup>19</sup> Ña sá'á ne, ntáde ña é nāa núu ña ntákuinti'xe i san ni tā'an ña. Ntáde ña vatā ó ntio nima kīni kaa ña, tsí ña tuvi Espíritū Sántū san nuú nima ña.

<sup>20</sup> Ntá tsi ñi'nto, tá'an ko e dóo ntio ko, díi díi ka kutú've nto iña Xuva ko vata koo é díi ka vá koo kuinti'xe nto ña. Kantá'ví ntó vatā ó kaxntii Espíritū Sántū san nto é ká'an nto. <sup>21</sup> Kuinimá ka nto Xuva ko vatā ó kakuinima ñá nto. Kuntetu nto ntuvi dá ta'xi Tó'o ko Jesūcristu é kuntoo o ni ña ntii dañu ntúvi, tsí kantuntá'ví ini ña kō.

<sup>22</sup> Na ntu ntá'ví ini nto ña'a, xoo é vāta kuinti'xe vá'a i. Ká'an nto ni ña te kuinti'xe ña é nuu é ntaā i. <sup>23</sup> Ío tuku ña'a ne, nakākú nto ña, natavā ntó ña mé'ñū ñu'u. Na ntuntá'ví ini nto ña, kuān té nte ña ncho tñn ntá'a nto dōo ña é kudentu ni nūu i é kīni ntáa e ntáde ña. Koto nto tē ña kuan koo víi nto vatā ó de ña.

*Ká'an ō tsi dóo ka'nu Xuva kō*

<sup>24</sup> Tō'ó kō né, na xntii ña ntō vata koo é ña kó'xo nto nuu i é kīni kaa. Na ntāvá'a ña nima ntó vata koo é ña tuví ka kuétsi nto tē xee ntó nta'a ña. Ná tē nté kaa ka'nu kuinī nto te íni nto ña, é un tsi kaxi'í nuu ka'nu ña. <sup>25</sup> Uun tsi Xuva kō e dóo ki'in inī ña. Dīvi ñā é nakáku ña ko kuēnta iña Tó'o ko Jesūcristu. Ká'an ō tsi dóo va'á ña, tsi dóo ka'nu ña'a ña. Ká'an ō tsí dīvi ñā é odo nuū ñá kade kú'vē ña, tsí kuví vií ña é un ntí'í. Kuan ō dé ña nte dí'na ne, kuān ó de ña veví dī ne, kuān koo vií ña ntii dañu ntūvi. Kuan tsī koo é kā'án u ni ntō.

# **Tū'ún xuva kō vatā ó ntáka'an ña ñuú Coatzospan**

## **New Testament in Mixtec, Coatzospan (MX:miz:Mixtec, Coatzospan)**

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

### **Copyright Information**

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Mixtec, Coatzospan

**© 2003, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 21 Feb 2024 from source files  
dated 29 Jan 2022

8f775598-56d9-56fd-966e-15e054d2f275